



## ŞÎRETNAMEYA LÊPIRSÎNA PENABERİYÊ

Tu hatî gazîkirin bo lêpirsîna penaberiye li Daîreya Koçberan. Ev şîret behsa maf û peywirên te di lêpirsînê de dike. Wê li gel nûnera/ê xwe baş bixwîne. Eger pirsên te hebin, ji dêûbavên xwe yan di lêpirsînê de ji karmendê Daîreya Koçberan bipirse.

### Mebesta lêpirsînê çi ye?

- Malbata te dawa penaberiye li Fîrlandayê kiriye. Di lêpirsînê de dê wan sebebên ji we bipirsîn ka hûn çima dawa penaberiye ji Fîrlandayê dîkin û çima nikarin vegerin welatê xwe.
- Dêûbavên te di lêpirsînê xwe de sebebên xwe û yên malbatê bi gişî bo dawa penaberiye dibêjin.
- Armanca vê lêpirsînê ew e ku imkanê bide te ku behsa tiştên box we muhim bikî. Tu dikarî behsa wê bikî ka çi bi serê we hatiye yan tu çima ditirsî. Giring e ku tu behsa hemû sebebên heyî di vê hevdiîtinê de bikî. Bi serbestî gotinên xwe bibêje. Eger hewce bike, lêpirsker dê pirsan ji te bike.

## Di lêpîrsînê de çi mafên te hene?

- Dêûbavên te di lêpîrsînê de li gel bin. Bîskekekê dê bêyî wan jî lêpîrsîna te bikin.
- We maf heye di lêpîrsînê de parêzer an avukat bi kar bînin. Parêzer bi xwe biryara beşdarbûna xwe dide.
- Di lêpîrsînê de terciman heye. Karê terciman ew e ku her tiştê gofî bi bêalîfî wergerîne. Terciman dikare li wî cihî be yan jî li ser telefonê yan vîdyoyê be.
- Lêpîrsker, terciman û parêzer xwedî wezîfeya parastina surran in anku nabe ew tiştên di lêpîrsînê de bihîstî bo kesên din aşkere bikin, heta bo endamên malbata te jî. Belgenameyên li ser doza te bi surrî tînin parastin.
- Rast bibêje. Eger tiştêkî nizanî yan neyê bîra te, hewl nede ku bersivekê ji bal xwe ve çêkî. Bibêje ez nizamim yan nayê bîra min. Dayîna agahiyên nerast dikare bibe sebebê bawernekirina ji dawa te.
- Di lêpîrsînê de nav û dema jidayikbûna xwe rast bibêje. Eger bixwazî dûvre agahiyên nasnameya xwe tenê bi belgenameyên resmî yê hikûmî biguherîni.
- (Yên zêdetir ji 15 salî) Dayîna agahiyên nerast yê nasnameyî tawanek e ku tê cezakirin.

## Çawa xwe bo lêpîrsînê hazir bikî baş e?

- Berî lêpîrsînê hemû şîretên karbidestên dayî te li gel dêûbavên xwe bixwîne. Giring e ku tu belavokên derbarê rêkarên Dublînê binasî. Eger ew belavok li ba te nebin, dikarî wan ji malpera Daîreya Koçberan peyda bikî: [migrifin.fi/esitteet-ja-julkaisu/](http://migrifin.fi/esitteet-ja-julkaisu/). Belavok li bin sernavê "Turvapaikka ja Dublin-menettely" (Penaxwazî û rêkara Dublînê) ye.
- Eger bixwazî terciman jin an mêr be, berî roja lêpîrsînê bibêje nûnera/ê xwe yan karmendekî kampa xwe. Kamp dê wê hêviya te bigihîne Daîreya Koçberan.
- Eger halê te yê laşî yan ruhî wisa be ku tesîrê li ser lêpîrsînê bike, bibêje dêûbavên xwe yan karmendekî kampa xwe. Karmend dikare bi izna te yan ya dêûbaên te berî lêpîrsînê wê bibêje Daîreya Koçberan berî roja lêpîrsînê.

## Roja lêpîrsînê li Daîreya Koçberan wiha bike

- Berî dema xwe li cihê lêpîrsînê hazir bibe.
- Gava tu tê avahiyê Daîreya Koçberan, dikarin teftîşê li te bikin.
- Eger te karta kampê hebe, wê nîşanî dergehvanê Daîreya Koçberan bide.
- Tenê kesên gazîkirî dikarin bên avahiyê Daîreya Koçberan û kesên ku biryar li ser hatina wan li gel te hatiye dan.
- Eger bixwazî alîkarek li gel te bê, ew dikare pêştir bi nivîskî ji Daîreya Koçberan daxwaz bike. Wek din lêpirsker biryarê dide ka alîkar dikare beşdar bibe yan na. Alîkar ne parêzer e û beşdarî ronkirina meseleyê nabe.
- Lêpirsker karmendekî Daîreya Koçberan e.
- Lêpirsker dê li salona çavdêriyê gazî te û dêûbavên te bike.
- Dengê lêpîrsînê tê qeydkirin. Li odeyê herwiha kameraya çavdêriyê ya qeydker heye.
- Eger hewce be, dikarin rojêke din lêpîrsînê bidomînin. Hingê dê careke din gaziyek bo te bê.

## Di lêpîrsînê de çi dibe?

- Destpêkê lêpirsker dibêje ka di lêpîrsînê de çi dibe û piştrast dike ku tu maf û peywîrên xwe fehm dikî. Bîpirse eger tiştêkî fehm nekî. Bibêje eger ji terciman fehm nekî.
- Lêpirsker paşî ji te dawa dike bibêjî ka çi bi serê te hatiye û çima nikarî vegeîrî welatê xwe. Herwiha ew dê pîrsên deqîqker derbarê wan wan tiştan dipirse ku behs dikî. Bi rastgoyî bersivê bide. Bibêje eger tu nizanî yan nayê bîra te.
- Lêpirsker li ser kompûterê dinivîse wan tiştên ku di lêpîrsînê de tînin axiftin. Navê wan tîbîniyan bîrname ye. Dawiyê terciman dê bo te wê bîrnameyê bixwîne ku lêpirskerî nivîsiye. Eger xeletî tê de hebin, divê ku tu bibêjî lêpirskerî. Tu dikarî herwiha tiştan lê zêde bikî. Pişfî wê bîrname tê îmkîkirin û kopiyekê jê didin nûnera/ê te.

## Daîreya Koçberan çawa biryarê dide?

- Li ser dawa te mumkin e ku mafê penaberîya navneteweyî yan îqameyêke din bidin te.
- Daîreya Koçberan biryarê li ser agahiyên dêûbavên te di lêpîrsîna penaberiyê de dayî û belgeyên din yê pêşkêşkirî dide. Herwiha gotinên te jî tî hesibandin di biryardanê de.
- Eger dawa te bêt redkirin, dikarin te vegeînin û hatina bo Fîrlandayê û welatên din yê hevpeymanên Schengenê li te qedexeyê bikin.
- (Yên zêdetir ji 15 salî) Eger te sebebekî nû bi dawakirina penaberiyê hebe pişî ku biryara Daîreya Koçber li ser dawanameya te bigihe hukmê qanûnê, di zûtirîn demê de dawayêke nû bike. Divê ku sebebekî maqûl hebe ku çima te berê behsa wan sebebên nû nekiriye. Sebeb divê tiştêkî wisa be ku ne di bin tesîra te bi xwe de be. Pişî hînge Daîreya Koçberan dê lê binêre ya dawaya te qebûl bike yan na.